

欽定大清會典事例

欽定大清會典事例卷六百九

兵部

八旗處分例

守衛

園場

汛守

營伍

守衛。順治初年定。凡值守

禁門

禁城大城曠班者革職。應巡查不巡查者降二級留任。閒人擅入

禁門。守門官不行查出者。罰俸一年。又題准。守護城門官。縱令家僕依城搭蓋席棚。賃取房價者。罰俸六月。奴僕鞭八十。縱人傍城住宿致失

火延燒城門者。城門領城門吏門千總各罰俸六月。領催兵丁交刑部治罪。至失察蓄髮僧人入城者。罰俸一月。兵丁交刑部治罪。○康熙十二年題准。值守城門曠班。例應革職。若因父母之喪及染病。不呈明該管官。以致曠班者。罰俸一年。○又題准。守門官遺失鎖鑰者。該班護軍校。罰俸一年。同班護軍校。罰俸六月。錯遞鎖鑰者。亦罰俸六月。失誤閉鎖。

殿門者。革職。侍衛班領及直班侍衛。皆罰俸一年。

○五十五年議准。

南苑守門官稽查不嚴致賊匪竊去

御用物件者降二級罰俸一年領催鞭八十兵鞭一百其不應在內行走之人竊出

紫禁城內各門上銅葉門釘等並各項物件者守門官罰俸六月若在内當差人役竊出者守門官罰俸一月○又議准王府守門官不加息防範致有賊匪行竊者降一級罰俸一年因事曠班致誤者罰俸一年○雍正八年題准守衛禁門官兵於門內排立正坐者官降三級調用兵鞭八十○九年覆准恭遇

御殿

巡幸之地。有應開之門不開者。護軍統領罰俸兩月。  
直班護軍參領司鑰長。降一級罰俸一年。同班  
護軍參領罰俸一年。護軍校罰俸三月。○十二  
年議准。有醉臥於

禁門內者。官革職。兵鞭一百。○又題准。有人擅進  
紫禁城叩

閤者。守門官罰俸六月。直班司鑰長。罰俸三月。○  
又議准。凡朝會之日。守衛

午門

端門

闕左右門各官。不行攔阻。閒人出入者。罰俸一月。  
○十三年議准。兵丁私倩人代班者。鞭六十。代  
班者同罪。不行查出之該管官。罰俸六月。該管  
大員。罰俸兩月。○乾隆七年議准。閒人擅入  
禁門。守門官不行查出。舊例罰俸一年。但門有內  
外不同。其失察處分。亦應區別。嗣後

協和門

熙和門

東華門

西華門

神武門並

午門以外各門。有間人擅入者。失察之守門官。罰俸一月。兵鞭二十。

左翼門

右翼門

昭德門

貞度門

中左門

中右門

後左門

後右門

景運門

隆宗門

禁苑門。有間人擅入者。失察之守門官。罰俸一年。  
兵鞭五十。

乾清門

內左門

內右門

禁苑內之



宮門。有閒人擅入者。失察之守門官皆革職。○又  
題准。守護

禁門巡夜不接更籌傳遞者。護軍鞭八十。該管護  
軍校罰俸一年。護軍參領罰俸六月。護軍統領  
不將收放更籌時刻明白曉諭。以致失誤傳遞  
者。罰俸三月。○又議准。城門領城門吏。門千總  
容留閒人近門住宿者。罰俸六月。故縱閒人近  
門烤火延燒城門者。革職。領催兵丁交刑部治  
罪。失察蓄髮僧人入城者。罰俸一月。領催兵丁  
鞭四十。○三十九年奏准。官員乞求外用叩

閤者。及遇朝期叩

閤者。革職。若書他人姓名。頂替叩

閤者。革職。交刑部治罪。○嘉慶五年奉

旨。紫禁城門內各王公大臣官員等隨帶跟役。例應少為帶進。不得多人。將此交前鋒統領護軍統領等嚴查管束。如有多帶者。即行指名題參。再景運門隆宗門以內。向來奏有定制。日久因循。復帶進坐褥煙袋等物。此俱係前鋒統領護軍統領平素不以為事所致。嗣後著御前大臣等一體嚴查。如有仍前帶進者。將前鋒統領護軍統領一併題參議處。○六年奏准。

看守

禁門官員。如稽查不嚴。致有竊物出外者。該護軍統領即行叅奏。將門筆帖式。親軍校。護軍校等。降二級調用。司鑰長。護軍參領等。降一級調用。兵丁責革。護軍統領未經查出叅奏。降一級留任。自行查出者免議。○又奏准恭遇

聖駕在

圓明園

御門聽政。及遇該衙門奏事必需前往者。即豫期換班。不得於暮夜擅開。

禁門空班前往。如有此等情事。罰俸一年。○又奏  
准。

紫禁城內值六大班之王公文武大臣。無論

聖駕在宮。

駕臨

圓明園

巡幸各處。務須晝夜該班遇有應奏之事。即行具奏。  
儻有應奏不奏。降二級留任。如有曠誤夜班不  
到者。降三級調用。○十年。遵

旨議定。王公大臣官員。凡進

午門

東華門

西華門

神武門。所帶護衛僕從。有逾額多帶者。罰俸一年。  
其僕從人等。自王以下。文職三品以上。武職二  
品以上大員。並

內庭行走各官。所帶之人。准其至

景運門

隆宗門。俱令於臺階下二十步以外停立。不得至  
附近臺階處所。此外跟隨文職四品以下武職

三品以下官員者。俱令於

左翼門

右翼門臺階下為止。均責令管門章京帶領護軍  
常川稽查。禁止踰越。其經由

神武門者。出入俱令循東西夾道行走。毋許附近  
景運門

隆宗門外停立。違者將本人責處。仍將該管家主  
罰俸半年。十二年議定。嗣後防守

陵寢風水禁地。並後龍一帶各撥汛。遇有盜賊潛入。並  
未傷損樹株。即由本汛官兵拏獲首犯者。給予

紀錄二次。拏獲夥犯一二名者。給予紀錄一次。拏獲三名以上者。給予紀錄二次。兵丁首先拏獲首犯者。賞銀八兩。幫同拏獲者。賞銀四兩。拏獲夥犯一二名者。賞銀四兩。拏獲三名以上者。賞銀八兩。幫同拏獲者。減半賞給。若本汛樹株已被盜砍之後。該管官兵始將賊犯捕獲者。以功抵罪。免其查議。毋庸升賞。至鄰汛官兵。能於隔汛地界。將賊犯拏獲。而樹株尚未被砍。拏獲首犯者。給予加一級。拏獲夥犯一名。給予紀錄一次。按名遞加。兵丁首先拏獲首犯者。賞銀十

兩。記大功一次。幫同拏獲者。賞銀五兩。記功一次。拏獲夥犯一二名者。賞銀五兩。拏獲三名以上者。賞銀十兩。幫同拏獲者。減半賞給。若本汛官兵疏於防範。樹株已被盜砍。而鄰汛官兵能將首夥各犯查拏就獲者。應逾格優獎。拏獲首犯者。以應升之缺。即行升用。先換頂戴。拏獲夥犯一二名者。給予加一級。拏獲三名以上者。給予加二級。兵丁首先拏獲首犯者。賞銀十六兩。以外委拔補。幫同拏獲者。賞銀六兩。記大功一次。拏獲夥犯一二名者。賞銀六兩。記功一次。拏



獲三名以上者。賞銀十二兩。幫同拏獲者。減半賞給。其奉文派委巡查之官。如能緝捕賊犯者。應查明指派汎地與拏獲處所。亦分別本汎鄰汎。樹株已砍未砍。比照一律升賞。如有妄拏者。即照妄拏平民例治罪。○又定。

陵寢後龍風水禁內。竊賊潛入偷砍海樹。本汎官兵疏於巡查。經鄰汎官兵拏獲者。將本汎專管官革職。兼轄統轄各官。降二級調用。兵丁責革。其竊賊潛入並未傷損樹株。經別汎官兵拏獲者。將專管官降三級調用。兼轄統轄各官。降一級調

用。兵丁責革。如將海樹偷出禁外。別經發覺者。專管官革職。兵丁革退。一併治罪。兼轄統轄各官革職。總兵降二級調用。○又定。

陵寢禁地紅椿界內及白椿青椿界內。遇有回乾風折樹株。該管汛官弁。隨時報明上司。轉報該管大臣。勘驗登記。咨報禮工二部及承辦衙門。遇修整火道內撥房橋梁等項。酌量取用。如有不敷。於青椿外尋覓採取。僅有在青椿內擅行翦伐及匿報者。該大臣等參奏。將該管官兵治罪。上司分別懲處。○十九年

諭嗣後紫禁城內直班王並內大臣文大臣武大臣前鋒護軍統領俱著恪遵定制。各於辰刻至景運門內九卿朝房面行交替。接班後仍著在景運門內外班房會集。毋許遠離。至申酉之間始准各自散歸直宿處所。如有怠惰偷安不候交班先行散去者著接班之人立時具摺參奏。無論王大臣即將爵職斥革。雖有勲績概不原宥。言出法隨。各宜懍遵。至接班之人若任意延玩過辰刻尚不進內亦著住班之人參奏。

○道光九年奏定城上該班兵丁取用什物不由馬道乘便由城上絕取。經該管官查獲者將

該兵照違

制律杖一百。枷號一月。若該管官疏於稽察。經查城官員看出絕迹者。將該管官罰俸六月。兵丁按律治罪。○十年議准。兵丁因私事叩

聞。失察之該管佐領驍騎校各罰俸一年。兼轄之參領。副參領各罰俸九月。都統。副都統各罰俸六月。○十七年

諭。道慶奏。參查出圓明園曠班官兵一摺。圓明園附近堆撥最關緊要。所有直班官兵。自應無分晝夜。敬謹看守。本年朕甫經臨幸圓明園。該官兵等即行曠班。

總由該管章京等平日並不嚴加約束。委護軍參領齊克坦布著交兵部議處。副護軍校阿揚阿。委護軍校烏能依。成志。三音布。護軍如泰等十六名。著交該印房重懲。斥革。嗣後該管大臣。務當隨時稽查。儻有似此曠班者。即行嚴參。斷不可稍事姑容。○又議准。委護軍參領於副護軍校曠班未出。罰俸一年。毋庸查級議抵。○又題准。恭遇

聖駕出入。官員跟役。乘馬驚逸。其主罰俸六月。○十九年

諭。昨因紫禁城內直班王大臣。於出班進班。不遵定例。

任意遲早。並有應叅不叅等情。當降旨將該王大臣等交各該衙門分別嚴議議處。茲據各該衙門遵照嘉慶十九年

諭旨。請將該王大臣等爵職一併斥革。實屬咎所應得。惟念年歲久遠。積習相沿。恐以前曠班者。尚不止此數人。若但將永康等懲治。轉不足以昭平允。姑從寬免其斥革。予以薄懲。永康著罰公俸六年。覺羅常喜著革去副都統。並一切差使。仍罰世職俸四年。張瀄著革去散秩大臣。仍罰侯俸四年。慶郡王奕綵著退出內廷行走。仍罰王俸六年。肅親王敬敏著革去宗

令內大臣。仍罰王俸六年。書桂著革去散秩大臣。仍罰侯俸四年。常恆全慶溥治連貴中山俱著降二級調用。濟克默特著加恩改為降四級留任。不准抵銷。

○又

諭嗣後該班之王大臣等。如輪應進班。借詞推諉。曠誤不到。及出班之人。容隱不奏。俱仍照嘉慶年間

諭旨。革去爵職。決不寬貸。其進班遲延。已逾辰刻。及出班之人。彼此未經面晤。即自散歸。並容隱不奏者。均酌量情形。仿照此次辦理。○二十二年奏准城垣各處。任令閒人掏挖成穴。該汛守備降二級留任。

參將遊擊降一級留任。步軍統領左右翼總兵均各罰俸一年。毋庸查級紀議抵。○二十六年題准。

聖駕經行

蹕路。未能平墊潔淨。該管步軍校降一級留任。翼尉。協尉。副尉。均罰俸一年。○咸豐三年

諭。兩翼前鋒統領八旗護軍統領。向係輪流一人在景運門外直宿。著添派一員。每日輪流在隆宗門外直宿。並著六班直宿之王公文武大臣等一體認真稽查。以昭嚴肅。○十年



諭。兵部等衙門奏。遵議失察官員處分一摺。太監張府藏帶腰刀一案。是日直班官兵未經查出。均有應得之咎。直班之副護軍參領文壽著降一級留任。不准抵銷。直班大臣科爾沁鎮國公棍楚克林沁著罰俸一年。准其抵銷。○同治元年議准。

禁門直班官兵。安然偃臥。不實力稽察者。兵丁革退。直班之副護軍參領降三級調用。失察之司鑰長罰俸一年。○二年題准。城上直班官兵。偷拆堆撥木料售賣者。失察之章京降三級留任。○六年題准。恭遇。

聖駕出入。直班護軍未穿袍褂。該管之護軍統領護軍參領均罰俸六月。站班之護軍統領未能豫防。罰俸三月。○光緒六年奏定。擅進

禁門叩

闔者。直班之司鑰長。罰俸三月。管聲音章京。罰俸六月。直班之前鋒統領護軍統領。罰俸一月。○七年奏准。

慈寧宮各門。如有竊賊混入竊物外出者。直班之副護軍參領護軍校。均革職。○八年。欽奉

慈禧端佑康頤昭豫莊誠皇太后懿旨。前據內閣侍讀

學士文碩。內閣學士貴恆。御史陳啟泰。先後陳奏。請嚴申門禁。詳定稽查章程等情。當諭令醇親王奕譞。會同御前大臣。軍機大臣。總管內務府大臣。前鋒統領。護軍統領。妥議具奏。茲據王大臣等奏。遵議覆陳。及紫禁城外圍各該旗分。定直班處所。並據恭親王奕訢等另奏。會議未盡事宜。敬陳管見。管理神機營王大臣奏。遵撥官兵。協同巡查各摺片。禁城重地理宜嚴肅。官兵直班稽查。本有成法可循。乃日久廢弛。甚至宵小潛蹤。疊次偷竊。尚復成何事體。亟應認真整頓。茲覽王大臣等所奏。或申明定例。或因時變通。

尚為詳細。所有紫禁城內地面。嗣後著該管大臣等及神機營官兵。分定段落。嚴密梭巡。並上城巡查。其各衙門公所。該衙門當隨時查察。並開具官役清冊。咨報景運門以憑稽查。內務府所屬各官所直房。並各太監他坦等處。當差官役蘇拉人等。即令自行覈定人數。開具清冊。報明內務府景運門。每日由內務府官員會同三旗該班兵役前往查點。儻有不符。即行拏辦。各該處如有容隱匪人及吸煙聚賭等事。即行從重治罪。官役人等應帶腰牌。著嚴飭一體佩帶。儻有不遵。及商賈閒人混入。並各他坦太監帶入。拏

獲分別懲辦。西苑三海等處。一併嚴禁。閒人擅往。至紫禁城外圍各門。各朱車柵欄。即照所擬。每日下五旗分定處所。各有專管段落。公同直班。前鋒護軍各營直班弁兵。必須年力精壯。技藝嫻熟。方資得力。著該統領詳加查察。汰弱留強。嚴禁包攬替班等弊。遇有缺出。秉公揀選。不得以老弱充數。責成查營御史嚴查挑缺不公之弊。直班官兵。應如何酌加津貼。以示體恤。由該管大臣酌度辦理。並著步軍統領衙門督飭兵役認真緝捕。一經獲犯。優予賞項。毋任稍有侵蝕中飽。總管內務府大臣例應每日一人在署直

宿。以次而代。嗣後仍著按日輪班宿署。不得率以司員代班。三院卿職司較簡。並著與總管內務府大臣一體進班。文武職直班大臣著查照舊章。指定奏派。經此次詳定章程後。該管大臣等務當實力奉行。永毋懈弛。並不准稍有推諉。儻再稽察不嚴。致有匪徒混迹及盜竊案件。即將該管大臣等暨所屬官兵分別嚴懲。前鋒統領護軍統領總管內務府大臣應如何嚴定處分。著該部分別酌議具奏。神機營官兵如協巡不力。亦著從重懲辦。所有各該官兵如能拏獲匪犯。均准照所擬酌量給獎。欽此。遵

旨議定。嗣後前鋒統領護軍統領遇有匪徒混迹及竊盜案件。未經查出叅奏。均降二級留任。其自行查出叅奏者。先事疏防。仍降一級留任。○十一年

諭領侍衛內大臣統轄三旗侍衛。有稽查之責。近來該大臣等於直班之期。往往借詞不到。以致侍衛曠班。無從稽察。殊非慎重門禁之意。嗣後該大臣等務當認真查察。如有侍衛曠誤。即行嚴叅。該大臣等亦不准無故借詞推班。以重職守。

圍場。○順治初年定。圍場隨獵官兵人等。如有

行走不齊。前後雜亂。以致呼應不靈者。該管官  
罰俸一月。獸獸覓箭。遷延落後者。鞭三十。如該  
管官拔取本人箭者。免議。被旁人查出。該管官  
罰俸一月。本人鞭二十七。越衆騎射。擾亂圍場  
者。該管官之馬入官。係平人。委署之官鞭五十。  
侍衛護衛亦將馬入官。隔山岡射箭者。鞭三十。  
追銀五兩。給首告之人。將同行人遺棄。以致凍  
死者。委去首領之人鞭七十。係官罰俸九月。在  
禁約地方畋獵者。為首人鞭八十。為從者鞭五  
十。所獲之獸入官。係官罰俸一年。○又定圍場



內王。貝勒。貝子。公等。如誤射王者。罰銀三千兩。  
給被射之王。誤射貝勒者。罰銀二千兩。給被射  
之貝勒。誤射貝子。公。罰銀一千兩。給被射之貝  
子。公。仍按本爵各罰俸兩月。如不係射獸。無端  
妄射者。請

旨審問。誤射下人者。罰俸兩月。王。貝勒。貝子。公等。射  
傷下人。馬匹者。罰俸一月。馬死者。除罰俸外。追  
馬賠還。○康熙二十二年

諭。圍獵之制。貴乎嚴整。不可出入參差。今左翼官在左。  
右翼官在右。統轄而行。宗室公等。毋得越圍場班次。

在後逗遛。如在後逗遛。則衆人停待。圍場必致錯雜。統圍大臣。須嚴加管轄。○又定。畋獵時。每護軍三人。令一人負旗。二人射獸。向內射者。沿圍射畢。即回本隊。向外射者。獲獸取箭畢。即馳至圍場。遷延落後者。鞭三十。彼此匿獸。鞭八十二。搶奪柴草。鞭八十。追還柴草。該管官罰俸一月。○乾隆十年

諭。朕向來巡幸所過地方。特簡大臣嚴查。隨往官兵人等。不許蹂躪農田。滋擾百姓。此次起行之時。正值秋成在望。禾稼尚未登場。誠恐約束不嚴。以致踐踏禾

奏。有妨農務。著都統護軍統領等管理。多撥官兵。沿途稽察。嚴加鈐轄。其隨從官員兵丁。亦令將家人跟役自行管束。如有不遵禁令。傷及田禾者。即行叅處。

○三十八年奏。准附近圍場之察哈爾地方。該總管專派捕盜官員。不時巡察。儻有察哈爾蒙古潛入圍場。偷打牲畜。砍伐木植等事。失察在三案以內者。該捕盜官佐領。每案罰俸六月。該總管免議。若失察在四案以上。自第四案起。每案降一級留任。該總管罰俸一年。如能自行拏獲者。每二案紀錄一次。○又奏。准察哈爾所屬

游牧地方兵丁閒散人等偷竊牲畜等事。該佐領驍騎校護軍校失察至三次者。該都統查叅送部議處。領催甲長鞭責。至二十次者。將該旗總管參領副參領送部議處。若竊賊經本佐領官兵緝獲者。免其計算。係本旗官兵緝獲。總管參領等免其計算。該佐領驍騎校護軍校等。仍按次數查叅議處。○又奏准熱河圍場。該管章京驍騎校等拏獲賊犯至十名者。紀錄一次。二十名者。總管紀錄一次。翼長等拏獲賊犯至十五名者。紀錄一次。該管副都統合計所屬官員

獲賊至三十名者。紀錄一次。如獲賊不足數者。註冊。俟足數時再行議敘。○三十九年奏准。因行獵蹂躪人田禾者。係官罰俸一年。如係王貝勒貝子公等。交宗人府議處。○又奏准。放鷹人役。搶奪民物。姦淫民婦者。拏交刑部治罪。其委為頭目之官。及委為從之官。係知情故縱者。革職。如止於失察者。將委為頭目之官。降二級調用。委為從之官。降一級留任。罰俸一年。○又奏准。行圍放馬。及看守周圍處所。以奴僕代主前往者。將伊主鞭一百。該管佐領驍騎校。罰俸六

月。○四十九年奏准。

盛京等處圍場。有潛入偷打牲畜。私挖磨菇。砍伐木植。訪明該犯居住地方。並經越邊口。如係吉林等處所屬。及威遠等邊口附近所屬。將失察之該界官。均嚴加議處。巡察圍場火班官員。查拏不力。被另派巡察官拏獲者。將該火班官亦嚴參議處。○嘉慶六年奏准。

盛京等處圍場。如有潛入偷打牲畜。私挖磨菇。砍伐木植等事。訊明該犯。或係吉林等處所屬。或係威遠等邊口附近所屬。失察之該界官。均罰

俸一年。至巡察圍場大班官查拏不力。亦罰俸一年。○又奏准。附近圍場之察哈爾地方。有察哈爾蒙古人等潛入圍場偷砍木植打牲等事。捕盜官佐領照例議處。該總管每案罰俸兩月。其失察四案以上。仍照例覈議。○十五年議定。察哈爾及札薩克旗下蒙古私入圍場偷打牲畜在十隻以上。偷砍木植在五百斤以上者。發遣河南山東。牲畜二十隻以上。木植八百斤以上者。發遣湖廣福建江西浙江江南。牲畜三十隻以上。木植一千斤以上者。發遣雲南貴州廣

東廣西。其零星偷竊隨時破案者。牲畜五隻以內。木植一百斤以內。鞭一百枷號兩月。牲畜十隻以內。木植五百斤以內。鞭一百枷號三月。案內從犯各減一等。其失察圍場附近察哈爾。有犯罪應枷責者。該管佐領捕盜官罰俸六月。人犯應發河南山東者。該管官罰俸一年。人犯應發湖廣等省者。該管官降一級留任。人犯應發雲南等省者。該管官降一級調用。其該總管於所屬官至降級者。罰俸一年。附近圍場之札薩克旗下蒙古。有犯偷打牲獸偷砍木植。罪應枷



責者。應將失察之該管官罰牲畜一七。札薩克  
罰牲畜一五。人犯應發河南山東者。該管官罰  
牲畜一九。札薩克罰牲畜一七。人犯應發湖廣  
等省者。該管官罰牲畜二九。札薩克罰牲畜一  
九。人犯應發雲南等省者。該管官罰牲畜三九。  
札薩克罰牲畜二九。應罰牲畜。札薩克照例折  
抵罰俸。無俸者實罰牲畜。○又定。管理熱河圍  
場章京員弁。失察偷竊人數一名至五名者。罰  
俸六月。五名至十名者。罰俸一年。十名以上者。  
降一級留任。二十名以上者。降一級調用。三十

名以上者。降二級調用。統由熱河都統查審明  
確後。將人犯名數。確實聲明咨部。再行覈議。如  
所管兵丁。有受賄縱放情事。無論賊犯多寡。即  
將失察該管章京等。照失察營兵窩竊受賄例。  
降一級調用。兼轄圍場翼長。降一級留任。統轄  
圍場總管。罰俸一年。熱河都統。罰俸六月。該管  
員弁。有包庇縱容。通同賄放情弊。即革職交刑  
部計贓議罪。該管圍長翼長。降一級調用。統轄  
圍場總管。降一級留任。熱河都統。罰俸一年。  
又定。看卡員弁。如有賊犯偷入圍場。不即據實

呈報者降一級留任。該總管不詳查明確率行具奏不實者。罰俸一年。○二十一年奏定恭遇皇帝行圍。

聖駕至大營後。大臣官員等。如有晚間私出打牲者。革職。兵丁革退。插箭游營。○又定。前鋒圍場人等。如有不隨蒙古圍場行走。以致竄出牲畜。不行圍進者。經管叅大臣叅奏。係大臣實降一級。係官員實降二級。兵丁鞭四十革退。○又定。管理圍場大臣。如有管束不嚴。以致落後者。實降一級。○又定。置買牲畜。作為自付跪獻者。大臣

官員革職。兵丁革退。俱交刑部治罪。○又定。每  
遇圈圍之期。前一日如有在中途打牲者。係大  
臣官員。實降三級。兵丁鞭四十。革退。○道光七  
年。

諭。前交富俊將巡查圍場之官兵。如何隨帶軍器。不致  
傷損牲畜。並捕賊得力之處。定擬具奏。今據富俊具  
奏。巡查圍場官兵。如若攜帶鳥槍。不惟傷損牲畜。並  
將圍場內獸隻盡行驚散。嗣後巡查圍場官兵。仍不  
准攜帶鳥槍。除隨帶弓箭外。並令添帶長槍。則官兵  
不致傷害牲畜。且於技藝亦不致廢弛。所擬甚是。即

照富俊所奏行。並著留心稽察該官兵等。儻有陽奉陰違。並不實心捕賊。任意傷害牲畜。一經查出。即行指名嚴參具奏。毋許姑容。○十二年

諭。前據富俊奏。吉林旗人向以捕打牲畜為業。演習槍馬。請酌改逃旗條例。當經降旨。嗣後吉林所屬旗人。初次逃走。仍照舊例。被獲者鞭一百。一年以內自行投回者免罪。一年以外投回者鞭六十。其二次逃走者。無論投回。拏獲。俱行銷檔為民。俾旗人得以從容操演鳥槍。赴山捕打牲畜。克成國家勁旅。此為吉林酌改辦理。他省不得援以為例。其吉林所屬間山。並

准旗人於左近山內隨時捕打。所得牲畜。聽其售賣。所買之人。給予照票。毋庸查禁。並令寶興等將何地准其打牲。何地不准打牲。查明妥議具奏。茲據奏稱。吉林捕打進貢牲畜圍場。並打牲烏拉採捕蜂蜜場。及松花江西岸輝法河北岸一帶。向係封禁。業經設有卡倫官兵防守。毋庸另議其餘閒曠山場。均設有卡倫。請仍循舊例。凡旗人攜槍出卡捕打牲畜者。毋庸查禁。如有攜帶民人。不領票照。偷挖人漫。私砍木植者。嚴行查拏治罪等語。著照所議辦理。責成該將軍等。隨時嚴飭各卡倫官兵認真稽查。每年遴派協

諭。慶春奏查明熱河開荒。漸侵正園。酌擬章程。請將查辦遲延之總管等交部議處一摺。前因熱河園場地多閒曠。經前任都統瑞麟。麒慶先後分別科則。招佃展墾。乃日久展放。漫無限制。以致侵佔正園。自應查明禁止。所有鑲白旗伊遜川開墾荒地。即著照舊有

領佐領等官。帶同兵役。春秋巡查二次。僅有偷越人犯。嚴拏懲治。並將坐卡倫官兵暨攜帶之旗人一併

叅辦。其認買鹿角筋皮商人。飭令報驗。給發路票。知

照盛京將軍府尹山海關副都統等衙門。毋庸截拏

該將軍等。即通行所屬各城一體遵辦。○咸豐八年

諭。慶春奏查明熱河開荒。漸侵正園。酌擬章程。請將查

辦遲延之總管等交部議處一摺。前因熱河園場地

多閒曠。經前任都統瑞麟。麒慶先後分別科則。招佃

展墾。乃日久展放。漫無限制。以致侵佔正園。自應查

明禁止。所有鑲白旗伊遜川開墾荒地。即著照舊有

大卡倫為界。其河東西佃墾地畝均著飭令一律封禁。並著嚴檄該總管等督修卡倫。建立紅椿。毋令任意展墾。慶春擬於明歲春融後派原勘各員前往查勘界址。按照科則酌予年限。以次裁撤。並將私墾各戶一律驅逐。旗民佃戶領地後陸續侵入山坡溝岔。以及領地以多報少各弊。出示禁止。定以懲罰章程。著庫克吉泰到任後詳細參酌。妥為辦理。委員員啟章王清。經慶春派令前赴圍場。會同總管壽長。督催修卡建椿。乃任意遲延。迄未修整。實屬咎無可辭。圍場總管壽長。候補知州員啟章。准補喀拉河屯巡



檢王清均著交部議處以示薄懲欽此遵

旨議准。園場總管於封禁界址督修卡倫。建立紅椿。任意遲延者。降一級留任。完日開復。○九年題准。捕獲鹿羔。若餵養不善。以致倒斃多隻。不敷解交額數。經管之員。降一級留任。

汛守。○順治初年定。看守街道步軍校曠班不宿。罰俸兩月。擅離汛地。罰俸一月。領催曠班。鞭五十。擅離汛地。鞭三十。步軍曠班。鞭四十。擅離汛地。鞭二十。失察之步軍校。罰俸一月。○康熙二十二年議准。恭遇

聖駕巡幸。由部行文滿洲蒙古漢軍八旗都統於城上每旗增設堆鋪六座。街道每旗增設堆鋪十座。內城各門於門內每旗增設堆鋪一座。正陽門八旗輪直。其餘各門八旗分設堆鋪各一座。每座委官二人兵十人值守。仍令參領稽查。

皇城內外緊要地方。將各門上原設步軍移值看守。每旗令步軍協尉一人直宿巡查。堆鋪柵欄官兵令捕盜步軍校嚴行巡查。俟

回鑾日撤回。每年封印日起至開印日止。亦如之。兵部委官以時稽查。有曠班及軍器不全者。指名

題叅。○雍正五年議准。看守倉庫官物等處。贖班者。官降一級。兵鞭六十。○十二年題准。

聖駕巡幸。途次有叩

聞者。如在官兵管轄之內。該管步軍校罰俸六月。步軍協尉罰俸兩月。步軍鞭八十。若衝突儀仗叩

聞者。直班冠軍使。雲麾使。治儀正。整儀尉。各罰俸六月。閒人充作校尉行走。鑾儀衛堂司各官。知而故縱者。皆革職。失察司官。故縱之堂官。罰俸一年。其止於失察者。雲麾使。治儀正。整儀尉。各

罰俸一年。冠軍使罰俸六月。堂官罰俸三月。○  
乾隆五年議准恭遇

聖駕謁

陵。城上增設堆鋪六座。分委官兵值守。如遇

聖駕巡幸口外。每旗應增設十五座。每座委官兵十  
人。晝夜值守。參領二人。往來巡查。○又議准

聖駕駐蹕

圓明園及

南苑。八旗都統於城上每旗增設堆鋪六座。每座  
委官兵十二名。與城上步軍相間值守。仍令參

領一人管轄。○六年奏准恭遇

聖駕巡幸。前三門外。向係巡捕營參將率所屬各官  
直班看守。嗣後將八旗步軍編設堆鋪二十座。  
與營兵堆鋪相間增置。令步軍校十六人管轄。  
步軍協尉四人巡查。其餘各門外守備。在各門  
吊橋處直班千把各官。在關廂處直班加謹守  
護。俟

回鑾日撤回。○又議准。凡直班處交代不清。即行回  
去者。照曠班例減一等處分。倉庫曠班應降一  
級。罰俸一年者。減一等。罰俸一年。街道曠班應

罰俸兩月者。減一等罰俸一月。其接班之人。因交代不清。擅離汛守者。照前例再減一等。

紫禁城大城直班交代不清者亦如之。○又議准。禁城外違禁開設店面。容留匪類。該汛步軍校不行巡緝者。罰俸一年。步軍協尉副尉。各罰俸六月。步軍翼尉罰俸三月。統領罰俸兩月。至蓄髮僧人入城棲止。該汛步軍校緝獲者免議。如被旁人緝獲。將步軍校罰俸一月。○十二年題准。聖駕巡幸。途次叩

聞者。若去

御路稍遠。在官兵管轄之外。該管步軍校罰俸三月。步軍協尉罰俸一月。步軍鞭四十。○三十九年奏准。有人越過京城者。將該管城門之城門領城門吏門千總及城上堆撥該班之步軍校各降三級調用。越而未過者。各降二級調用。其外省駐防之城門。係旗員管轄者。遇有越城之事。將該管官照京城例各減一等處分。至越城之人未經上城。即被拏獲者。該管官俱免議。○

嘉慶六年

諭。向來城上該班驍騎營與步營官兵。遇朕巡幸。則專

派馬甲。如值駐蹕圓明園及封印後步甲之外。又添馬甲。辦理本未盡一。且聞兵丁等往往正身不到。私自雇人替代。有名無實。著交兵部步軍統領衙門及直年旗等嚴禁雇替。並妥定章程。將如何輪派官兵分管。按日在城巡邏之處。詳議具奏。欽此。遵

旨議定。嗣後八旗驍騎營與步軍營官兵。照原定數目。兩營輪番派往該班。十日一換。所派官兵。亦在各該營內輪流更換。不得常川專派。以杜久駐滋弊。遇

聖駕巡幸。及



駐蹕圓明園與封印後。均令照此一例辦理。由八旗都統及步軍統領衙門派員不時前往稽察。兵部輪派司員分城巡查。如有曠誤及頂名雇替者。兵丁鞭責。該管官議處。○又奏准恭遇

聖駕出入

蹕路。由該管大臣等派員管轄。毋容閒雜人等行走。喧譁。如疏於管轄。致有行走喧譁者。將專管官罰俸六月。兼轄官罰俸三月。若放閒人行走。以致衝突擁擠者。將專管官罰俸一年。兼轄官罰俸六月。統轄大臣罰俸三月。○又奏准看守

倉庫官物等處曠班者。係官降一級留任。罰俸一年。兵丁鞭六十。失察參領副參領。罰俸六月。都統副都統。罰俸三月。其派往稽查之員不行查出者。罰俸六月。○十五年議定。看守倉庫兵丁。該旗造具年貌清冊。交該班官員照冊查對。該管大臣親赴查察。仍派員不時稽察。如有曠班雇替情弊。查出參奏。將不行查出之該班官員。罰俸一年。兵丁治罪。儻別經發覺。將該管大臣。罰俸六月。○又定。看守各館官兵。該管大臣官員不時稽察。如有曠班者。查出參奏。係官罰

俸一年。兵丁鞭五十。○十六年奏准沿城八旗馬道十九處。每處分道二股。各設柵欄一座。共柵欄三十八座。每馬道一座。添設步軍校一員。步甲十名。分派各柵欄看守。以昭嚴密。步軍統領衙門不時派官稽查。如有疏懈者。係官嚴叅。兵丁從重懲辦。○道光五年

諭。向例城上安設堆撥。並看守馬道柵欄。責成八旗都統副都統等按次稽查。立法本為周密。無如日久玩生。每多弊混。殊不足以昭慎重。嗣後各城大樓九座。馬道口十八處。角樓四座。馬道口八處。中心臺十五

座。馬道口三十處著責成八旗滿洲蒙古漢軍按期  
均勻分段看守。凡兩旗分界及一旗所轄。應派堆撥  
官兵。准其照數酌派。仍照向例。滿洲蒙古漢軍輪派  
參領一員。在城住宿。派往兵丁。務擇老成安靜之人。  
由各該旗覈定人數。交內務府製備腰牌發給。至馬  
道柵欄。如果稽查嚴密。閒人不能混入。城上自然肅  
清。所有城下柵欄城門馬道及中心臺角樓馬道口。  
即責成城門領及派出之步軍校認真管轄。如有通  
同蒙混情事。即嚴行叅辦示懲。至查城應行開列都  
統副都統銜名。無論兼管何項差使。均著全行開列。

候朕點出八員。分左右翼管理。每屆三年。由直年旗奏請更換。其掌管鎖鑰。及官兵接班換班。並應派參領等官輪流巡查各章程。俱著照議辦理。該都統等隨時整頓。總期官有專司。兵歸實用。毋得日久視為具文。○十年

諭。盛京邊外卡倫。前經富俊在盛京將軍任內奏明。冬季不必移於邊內。常川在邊外安設。及奕顥莅任。止酌留緊要卡倫三處。常川駐守。其餘俱奏請照常撤回。茲據富俊等查訊。偷砍木植八犯。多在冬季撤卡之後。雖留緊要卡倫三處。道路遙遠。鞭長莫及。稽查

難周。著照所請。所有邊外卡倫。冬日不必撤回。仍令常川稽查。每屆四月。另行派往更換。並責成守卡官兵實力嚴查。如有賄縱情弊。即行嚴參懲辦。其珠魯莽喀地方。及邊內舊有之小石棚佛小島子頂山拐等處卡倫。均關緊要。亦著照舊常川安設。此後邊內外均有責成。且有按季派出之城守尉協領巡查。其密查之員。即行停止。該卡倫官兵鹽菜。仍照奏定銀數。由船規項下動支。○十五年

諭。奇明保奏。叅卡倫直班曠誤之各員一摺。俄羅斯邊設立卡倫。關係緊要。乃佐領那丹察接受派班文書。

並不趕緊往送。遲至四日。殊屬懶惰糊塗。其原住班之驍騎校多爾濟奔博諾依。不候換班人員。遽行藉口下班。亦屬非是。佐領那丹察。驍騎校多爾濟奔博諾依。均著交部分別嚴加議處。○又

諭。奇明保等詢明出派卡倫直班疏忽之員。參奏一摺。毗連俄羅斯卡倫。最關緊要。不可一日曠誤。該總管沙克都爾車楞副總管車楞多爾濟。率行傳派卡倫官員。以致緊要卡倫之班曠誤。殊屬不知輕重。沙克都爾車楞車楞多爾濟。俱著交部議處。○又議准。俄羅斯邊界卡倫。率將年輕之員派往者。總管副

管均降一級留任。○十六年議准哈薩克偷越卡倫該處坐卡官降二級留任。○二十二年

諭棍楚克策楞等奏參擅自放回卡倫兵丁人員一摺。俄羅斯界卡倫關繫緊要。佐領諾木保因馬甲那木薩喇等往取盤費。擅自給假。輒離卡倫。殊屬不知慎重。諾木保著交部議處。嗣後著嚴諭卡倫各官兵等。務須慎重邊疆。欽此遵

旨議定。坐放卡倫官員。並不迅速前往。以及不知謹慎。託病曠誤者。均降一級留任。罰俸一年。其下班之員。不等候接班官交代明白。即行回去者。減



一等議處。該總管於最關緊要卡倫。若不慎加選擇。率行調派。以致曠誤者。該總管降一級留任。卡倫官員擅給兵丁假期。輒離卡所者。降二級留任。○又題准。哈薩克越境潛居。審明由何處卡倫偷越。將守卡不嚴之該坐卡官降二級留任。○又

諭。經額布等奏遵旨查明土門江附近地方情形一摺。前因甯古塔所屬琿春地界與朝鮮接壤。難保無姦民潛赴土門江一帶結屋墾地。降旨令該將軍派員確查究辦。茲據奏稱英安河密占卡倫等處。查有該

處旗人結屋墾地。經該委員等將房屋數十處全行拆毀。地畝一千餘晌。俱已平棄淨盡。並派員覆查。此外竇無隱匿遺漏等語。著該將軍等咨明該處副都統確查蓋房墾地。究係何佐領下旗人。何年潛往開墾地畝。照例懲辦。失察各官。著查取職名交部議處。嗣後每年春秋二季。飭令該協領親往周查。由該副都統加結呈報。該將軍等仍不時嚴查。永遠諭禁。毋得日久生懈。視為具文。○咸豐五年題准。出征官兵如將形迹可疑之人私帶出關。經管關大臣查出參奏者。失察之帶兵官。降一級留任。○同治

二年題准。俄羅斯人並無執照。越界行走。該卡官未能阻止者。革職。總管巡卡等官。不按照通商章程。辦理錯誤者。罰俸一年。○光緒十三年議准。烏里雅蘇台。科布多。所屬津吉里克。阿拉克。鄂博博多。豁呢和壘。索果克。霍呢邁勒。扈昌。吉斯臺。六卡。倫侍衛。在卡無過。年滿回京之日。若係現任侍衛。俟考驗升等時。作為儘先。各旗營官員。准指明應升一階。或補用。或升用。不准保歸儘先班次。或將各該員量予虛銜頂戴。議敘優敘之處。統由該將軍大臣等。考其平素當

差若何。秉公酌保。一案內止准請獎一層。不准兩層併保。用示限制。

營伍。○順治年間定八旗驍騎營。每月三旬。逢二逢六較射。凡六次。春秋撥甲冑步射二次。騎射二次。護軍營每月較射六次。與驍騎營同。春秋二季驗看騎射。並撥甲冑馬步射一二次。三年一次考驗甄別。○雍正八年議准。前鋒營較射。照護軍營例。每年春秋二季驗看騎射。並撥甲冑馬步射一二次。三年考驗甄別一次。○乾

隆十七年

諭近聞八旗於閱兵操演之際該大臣等皆在帳幕內  
互相對閱並不親赴隊伍操演則進退之規不獲嫻  
熟嗣後閱兵操演之時令該大臣等輪流入隊率領  
操演欽此遵

旨議定八旗合操時閱兵王大臣等逐次前往監看稽  
察如有無故不到者同閱之王大臣指名題參  
議處○十八年

諭騎射國語乃滿洲之根本旗人之要務朕今歲校閱  
京城世爵其騎射可觀及人材英俊者已施恩選取  
侍衛並分在各處令其學習行走其射箭甚劣不堪

教化者。查明革職別行承襲。至各省駐防。亦皆有世爵。若不教訓騎射國語。伊等近於素餐安逸之習。必致學為不善。著各省將軍都統等。即指名叅奏革職。另行承襲。○二十四年奏准。聚集之期。及射期不到者。罰俸一月。若官員監射步靶。多開箭數者。罰俸一年。○三十九年覆准。嗣後屆應查礮之年。演礮十位之旗分。以中二十七出以上為合式。演礮九位之旗分。以中二十五出以上為合式。其中牌在二十六出二十四出以下者。將該旗礮營參領等官。罰俸一年。礮手嚴加責懲。○四

十五年奏准八旗演礮。除一百步礮位不算外。二三百步礮位中數。若能符額。礮營參領紀錄一次。若中不及額。欠少一二出。礮營參領紀過一次。其年終應得紀錄。亦不准給予。欠少三出以上。將礮營參領罰俸一年。仍停升一年。○四十八年奏准各省駐防兵丁鳥槍弓箭中靶數目。照綠營奏定之例。分別等第功過。彙造清冊。送部察覈。內有應行責革者。即由該管官隨時責革。應行獎賞者。亦由該管官量加獎賞。儻該管官員不能留心操演。以致兵丁技藝生疏者。

仍即時參處。○五十二年

諭。此次八旗漢軍演放火礮。鑲黃正白二旗不能如數合式。皆由該旗大臣等平日並未認真嚴加督率所致。僅將官兵治罪。不足示儆。所有官員著交部議處。著為令。○又奏准礮位毋論大小輕重。均各於一百步設立礮靶演習。其多中一出者。礮營參領紀錄一次。多中二出者。紀錄二次。若中數僅能合式。毋庸給予紀錄。○嘉慶六年奏准八旗習射官兵。如有無故不到至三次者。係官罰俸一年。兵丁責革。若該管大臣有徇庇官兵者。降三級。



調用。○又奏准八旗官兵習射之期。該管大臣  
有不行親往演射者。罰俸一月。○又奏准每年  
秋季八旗合操時。各該旗營大臣等。親身入隊。  
帶領操演。總理操演王大臣前往查閱。各該旗  
營大臣官員內。如有託故不到者。即行查叅。罰  
俸一年。○又奏准火器等營。經該管大臣操演  
槍礮。如有施放遲誤。不能整齊者。將帶操章京  
罰俸一年。監操翼長罰俸六月。○又奏准八旗  
火器鳥槍等營。演放鳥槍。務須嚴禁閒人。不得  
近靶揀拾鉛子。如帶操官員不行管束。任聽閒

雜人等近靶行走。以致兵丁放槍誤傷平人者。將帶操官員罰俸一年。○又奏准。八旗前鋒護軍等營兵丁馬步箭。如有技藝生疏者。將該管大臣降一級留任。該管官降二級留任。○道光九年

諭。管理直年旗王大臣等。數議富俊陳奏旗營設立官弓。統較弓力揀選。議請挑缺時。仍視其箭之中靶與否。以為去取。並稱不得以專開勁弓便為合式。不知挽強而不能命中。固難取錄。若止能命中。而弓力過輒。亦豈旗營儲才本意。所議皆一片畏難討好之心。

巧為駁斥。忘本偷安。不思振作。且於設立官弓何以難行。並未明白聲敘。殊屬含混。著仍交該直年旗另行妥議具奏。嗣後各項侍衛及各旗營練習技藝。選拔官兵。總期挽強命中。不得偏廢。儻該員弁等於引見及校閱時。經朕察出弓軟技庸者。除將該官員兵丁即行斥革外。並將該管大臣嚴懲不貸。○又

諭。嗣後前鋒護軍健銳火器各營。每營設立六力官弓數張。挑缺時先以官弓開試。裕如者方准較射。仍以中靶為去取。其挽強而不能命中。與中靶而弓力稍軟者。俱不准挑取。其領催馬甲挑缺者。仍照舊制辦。

理。○十一年

諭朕本年間看三旗侍衛弓箭。因思我朝自發祥以來。列聖垂訓。八旗兵丁。均以弓箭為重。必應永遠遵行。於平時勤加訓練。使知激勵。方足以成勁旅而資捍衛。現在八旗都統副都統。均係朕宗支親屬。及信任大臣。如果認真整頓。俾兵丁咸能得力。即養育兵間散人等。亦均知所觀感。八旗營務。自然日有起色。該都統等盡心職守。克副倚畀。不獨朕知人善任。深為嘉悅。即該都統等亦覺與有光榮。近因承平日久。武備漸就廢弛。各都統等於挑選披甲時。往往計及於兵。

丁家口並不視弓箭之優劣為去取。殊不知兵餉之設原以養有用之兵。並非養賔貧乏戶口。各旗披甲。均有應行練習。差便與養育兵之調劑生計者不同。顧名思義。自不應以技藝平常庸懦無能者濫行挑補。虛糜帑項。且遇缺挑選。隨時可以整頓。並非另立標線章程。何難實力奉行。各省駐防兵丁。固須悉心較閱。八旗拱衛神京。關係尤重。不可不加意講求。著通諭八旗都統等。嗣後遇有披甲缺出。務當認真考驗。必須弓力較強。箭有準頭者。方准挑補。不得藉口調劑。以致有名無實。並著查旗御史於各旗挑缺時。

留心查察。如該都統等意涉瞻徇。所挑之兵仍有弓箭平常者。即行據實嚴參。其各省駐防挑缺時。並著該將軍等一體遵照。均以弓箭為重。以副朕講明武備。訓勵旗人之至意。○又

諭。富俊奏八旗定例。向係開六力弓。近日仍用本人弓箭。往往以二三四力虛報六力。似此相習成風。兵力日形軟弱。於武備大有關係。自應嚴加考覈。著照所請。嗣後八旗各營。凡挑缺揀選。均遵定例用六力官弓校射。以定去取。富俊所管鑲紅旗滿洲。據奏置有六力八力弓各二張。弓制一分。月月挑缺揀選。均

以制準官弓校射。如有告拉八力弓者。若果裕如。即以八力弓為合式。每次挑選。並不乏人。可見我八旗原知向上。總在教訓何如耳。至八旗各營。均有公費銀兩。不難置辦官弓。著即仿照辦理。該都統務當認真覈實考驗。不得仍令本人捏報弓力。日久視為具文。以致有名無實。並著查旗御史於各旗挑缺時留心查察。如該都統等意涉瞻徇。所挑之兵。仍有虛報弓力情弊。即行據實嚴參。其各省駐防挑缺時。並著該將軍等一體遵照。均用六力弓為準。以符定例而重武備。○咸豐四年

諭。柏後善。肅奏審明。已革協領佐領派兵自護私宅。並將軍奕興奏辦各情一摺。此案已革協領塔芬布。因聞兵丁妄報。輒調集兵勇。已屬輕舉妄動。又撥兵在家守護。復任聽伊子恩合派令練勇衛護私宅。實屬假公濟私。膽大專擅。塔芬布著即發往新疆效力贖罪。已革佐領恩合擅派練勇衛護私宅。亦屬任性妄為。著即發往軍臺效力贖罪。盛京將軍奕興於屬員擅調兵勇各情。並不據實奏參。迨經書元奏劾後。又復不候查辦。負氣陳奏。嘵嘵瀆辯。實屬有心徇庇。前已有旨。將奕興交宗人府議處。並著革去盛京將軍。



以示懲儆。○同治二年

諭。巴揚阿奏請旨嚴禁駐防官兵吸食洋藥及現在辦理大概情形一摺。洋藥一項。前於咸豐九年間。經惠親王等奏定弛禁章程內。官員兵丁吸食洋藥。仍照例辦理。上年因王慶雲奏請嚴定限制。復明降諭旨。諄諄誥誡。原以兵丁奮力戎行。不宜以有用之精神。日形消耗也。乃本日據巴揚阿奏。現在整頓荊州駐防營伍。凡係有應之人。悉予棄置。並加懲儆。以冀令行禁止。又稱本籍黑龍江地方。近聞閭閻設煙館。逐漸增加。請旨嚴禁等語。是兵丁吸食洋藥之禁。各該省

仍未能實力奉行。此風不止。則精壯者必成孱弱。孱弱者悉成無用。於整軍經武之道。大有關係。著黑龍江將軍及各省將軍都統副都統恪遵前旨。一體設法嚴禁。不得虛應故事。有名無實。其綠營兵丁。恐亦不能埽除積習。並著各省督撫提鎮嚴行查察。儻有仍前吸食。不知自新者。即當斥革懲辦。至內外文武官員。均各有應盡職守。一經吸食洋藥。則百事廢弛。關係尤重。著各該管上司留心訪查。遇有此等官員。即行奏請罷斥。不准姑容徇隱。此旨並著該部行知。各該省將軍督撫提鎮等。曉諭旗綠各營。俾各懍遵。

痛加滌洗。以肅戎行。○十一年

諭。長善果勒敏奏請旨嚴禁旗營弁兵投效一摺。軍興以來。旗營弁兵投效軍營。其中奮勉圖功者固不乏人。而夤緣倖進者亦復不少。至並無軍務省分。紛紛投效。其為奔競取巧。情弊尤屬顯然。亟應認真整頓。嗣後著各省督撫於此項人員。嚴加考察。不得任意請留。如遇保獎。不得濫請扣補。本營實缺。以肅軍政。所有廣州旗營弁兵。現留湖北等處差遣之驍騎校賈潤洸等七名。即著長善等咨調回營。責令認真操防。各該省不得藉詞仍留差遣。

欽定大清會典事例卷六百十

兵部

八旗處分例

拔補  
巡洋

軍器

約束

馬政

拔補。順治初年定。每佐領下親軍缺。由護軍馬甲閒散壯丁內拔補。前鋒缺。由護軍馬甲閒散壯丁內拔補。鳥槍護軍缺。由護軍馬甲內拔補。護軍缺。由馬甲閒散壯丁內拔補。馬甲缺。由步軍閒散壯丁及開戶戶下壯丁內拔補。步軍缺。由閒散壯丁及開戶戶下壯丁內拔補。每佐領下領催。由馬甲步軍內拔補。該旗將拔補之

數按季報部查覈。僅有懸缺不補。冒領錢糧。或  
違例拔補者。查實劾奏。○康熙二十五年題准。  
西安等省駐防馬甲病故。其已披甲之子弟內。  
有願扶柩來京者。亦令來京。願在外者。仍留充  
兵。如有額缺。該將軍等於滿洲蒙古舊壯丁內。  
選擇補用。果無堪擇人丁。移咨到部。撥人往補。  
如不令舊壯丁披甲。止以新丁充數者。該將軍  
及該管官。皆照例議處。○二十六年覆准。每佐  
領下將不應披甲之人。錯誤挑補者。該管佐領。  
驍騎校。罰俸三月。參領。罰俸一月。領催。鞭五十。

如係徇情拔補者。將徇情之參領佐領驍騎校。降三級調用。領催鞭八十。如佐領驍騎校。領催徇情。而參領不知。或驍騎校。領催徇情。而佐領不知。止於失察者。仍照錯誤拔補例處分。其披甲之人革退。○又議准。八旗馬甲年未衰老。尚堪效力。輒稱年老規避。令家人頂替者。鞭一百。革退。容隱之該管佐領驍騎校。皆罰俸六月。參領。副參領。罰俸三月。都統。副都統。罰俸一月。其職官子弟。能入學肄業與考者。免其披甲外。若有指稱讀書。游蕩失業。該管官容隱不令披甲。

者。皆照容隱例處分。○五十二年題准。雇倩漢人壯丁。稱為滿洲。令其披甲。該佐領驍騎校。皆罰俸三月。領催鞭五十。其馬甲所領餉銀餉米。交與該旗著落本主照數追取入官。其雇倩之人。仍令為民。○雍正二年覆准。領催缺於該佐領下正身馬甲閒散內選補。若佐領下人無可選者。會同護軍統領於本佐領下識字護軍內調補。有不遵定例選補者。該參佐領驍騎校暨都統等。一併照例議處。○十三年奏准。選補馬甲。該佐領等不將應補之人呈送都統等驗看。

私行頂替者。降三級調用。其頂替之人革退。○

嘉慶五年

諭。向來派出查旗御史。遇各旗有挑甲等事。應令該御史前往監察。以杜弊端而昭慎重。近聞派出各員。視為具文。日久懈弛。每月僅以一奏塞責。竟不親身稽察。以致查旗之例。有名無實。殊屬非是。嗣後各旗都統等。遇有挑甲等事。先行知照查旗御史會同辦理。如該旗遺漏知照。即著該御史參奏。若該旗挑放稍有不公。該御史亦當指名查參。毋得瞻顧徇隱。該御史經該旗知照後。仍復不到。則是有心玩誤。亦著該



都統等據實參奏。○六年奏准旗人捏名充當戶下步甲匠役。及冒入民籍投充營兵。該管佐領驍騎校失於查察。均罰俸一年。○道光二年奏定八旗官兵缺出。該都統副都統等。即按限定期。前赴本旗教場。或侍衛教場內。公同商酌揀選挑取。仍先知會查旗御史。如有逾期或不往教場挑取者。該御史即指名參奏。罰俸六月。○咸豐八年

諭。前因載垣等奏軍營挑補礮手。恐有情弊。請旨飭查。當交西凌阿明白回奏。茲據該都統奏稱。鑲黃旗漢

軍副參領隆春。於呈請挑缺之時。率稱寶榮熟習演礮。並未將甫經到營聲明。迨經節次查詢。始稱出缺之後。指名調營挑補。實屬有意蒙混。隆春著交部嚴加議處。西凌阿未能先事查出。亦屬疏忽。著交部議處。欽此遵。

旨議奏。挑補礮手。有意蒙混者。管帶之員。降三級調用。未能查出之大臣。罰俸三月。○光緒七年題准。八旗挑補馬甲。僅有雇倩頂名赴挑者。失於覺察之佐領。降一級調用。

軍器。○康熙五十五年題准。城上直班官。黃夜

私移城上備用火藥者革職。其同班官不行攔阻者。罰俸一年。○乾隆四年題准。各省將軍都統副都統。於到任時。將所屬同城本管旗營。一應軍裝器械。限兩月。委官盤驗。其外屬各營軍裝器械。限三月內。委官盤驗。各具題一次。仍取具該管官並無虧少印結。及委官並無捏飾印結存案。於年終彙題。仍將所屬各營軍器數目造冊送部。覈。彙。委盤彙題之後。仍有缺額別經發覺者。將盤驗之官。罰俸六月。將軍等。罰俸三月。委官扶同捏結者。降三級調用。○十八年

諭八旗軍器。例應每年特簡王公大臣點驗。但歲一點驗。殊覺煩擾。嗣後著三年一次點驗。既寬點驗之限。臨時務宜實心察覈。不得草率了事。若朕親閱時。軍器仍有虧缺損壞者。必將點驗之王公大臣治罪。至點驗之年。將八旗前鋒營護軍營驍騎營內府護軍官兵軍器。仍照例點驗外。其內府佐領馬甲及王公府屬兵丁軍器。皆停其點驗。○嘉慶七年議准。八旗官兵自備之弓箭撒袋腰刀缺少。情願豫指俸餉製造者。該都統造冊分送該部照定式製造。給予其工價銀兩。官員於俸銀內作四季扣還。

兵丁於錢糧內作二十箇月扣還。俱造入俸餉冊內。咨明戶部坐扣。凡此等自備弓箭撒袋腰刀。如有年久損壞無力修製者。俱照此辦理。○又議准。八旗兵丁遇有升遷事故。將軍器酌定價值。給予新頂補之人。即將頂補之人應領錢糧。照指餉製造軍器之例。限二十箇月扣還。給付舊兵。○十七年奏准。直省八旗駐防營修製行軍攜帶軍械。應聽各該省將軍都統副都統酌量緩急。臨時定限辦理。如不依限速完。以致遲誤。將承修承製督修督製之員嚴叅。從重議

處修製尋常操演及換防需用各軍械。俟報部  
覈准後。即令領項興工。如物料工價二百兩以  
內者。限一月。五百兩以內者。限兩月。一千兩至  
二千兩以內者。限三月。三千兩至五千兩以內  
者。限四月。依限修製。如式完竣。即行詳請將軍。  
都統。副都統。派委妥員。逐細查驗。造具冊結。將  
興工完工各日期詳細聲明。以憑稽覈。如不依  
限完竣者。將承修承製督修督製之員。附參議  
處。又奏准。在京各旗營。

八旗滿洲蒙古驍騎營。漢軍驍騎營。鳥槍

營。礮營。藤牌營。滿洲蒙古漢軍新營房。左右兩翼前鋒營。八旗護軍營。健銳營。火器營。團明

圍八旗包衣三旗官兵處內務府三旗護步軍  
軍營前鋒營新槍營陳槍營城內九門

營及巡捕五營凡兵丁操演軍裝器械及守禦  
救火器具各該營大臣於每年十月內派委妥  
員逐細盤查如果均屬齊全取具該管官員並  
無缺少印結及委員並無捏飾印結於十一月  
內將各項軍裝器械數目註明原領原修年分  
分營造具漢字細冊並印結咨送兵部查覈彙  
總具題如有損壞查明已屆修製定限者即照  
例報部修製其自備者即勒令自行修製整齊  
若未屆定限損壞及無故缺額者責令該管官

照例賠補。仍交部議處。儻損壞缺少各械。委員盤驗時。未經查出。別經發覺。並扶同結報者。均照例分別議處。○又奏准。各省將軍都統副都統等。於到任時。將所屬同城親標旗營。一切軍裝器械。限兩箇月。委員盤查。其外屬各旗營。一切軍裝器械。限三箇月。委員盤查。保題一次。仍取具該管官員並無缺少印結。及委員並無捏飾印結存案。又於每年十月內。將所屬各旗營。委員盤查造冊。詳送該將軍都統副都統。於封印前保題。將所屬各旗營一切軍裝器械。及守



禦救火器具數目原製原修年分。分析造冊送部查覈。如任意遲逾。即照造冊遲延例議處。其每年十月以後有收支軍械。即造入下年題報冊內送部。僅委查保題之後。仍有缺少。別經發覺者。將從前委查之員。罰俸六月。將軍都統副都統。罰俸三月。僅委員明知缺少。扶同捏結。報稱並無缺少者。將缺少本員及委驗之員。各降三級調用。○道光二年奏定。點驗軍器時。盔甲弓矢等項全無者。係官革職。兵丁鞭一百。革退軍器缺額。及箭上無字。並書寫他人姓名者。係

官罰俸一年。兵丁鞭五十。如點驗軍器不堪者。係官罰俸兩月。兵丁鞭二十。如所屬官兵有盔甲弓矢等項全無。及軍器缺少不堪。一名至五名者。該都統等罰俸三月。該管參領等罰俸六月。六名至十名者。都統等罰俸六月。參領等罰俸九月。十名以上者。都統等罰俸九月。參領等罰俸一年。二十名以上者。都統等罰俸一年。參領等降一級留任。三十名以上者。都統等罰俸二年。參領等降一級留任。罰俸一年。至佐領驍騎校等所管兵丁。有一名至三名者。罰俸六月。

四名至六名者。罰俸一年。七名至十名者。降一級留任。十名以上者。降一級留任。罰俸一年。二十名以上者。降二級留任。○又奏定。八旗官兵如有將關給軍器私賣質當者。係官革職。兵丁革退。均交刑部照律治罪。其失察之該管官。罰俸一年。○又奏定。看守城池倉庫街道等處。遺失本身器械者。係官降一級留任。兵丁鞭七十年。若遺失在官器械者。官員降一級留任。罰俸一年。兵丁鞭八十。○又奏定。八旗礮營參領等接任時。礮局所存礮位。及一切應用什物。按冊查

明具結交代。如有殘缺損壞。即據實申報都統。著落原官賠補。儻徇情容隱接受者。將接管官降一級留任。所有殘缺損壞物件。即著落接管官賠補。○又奏定八旗漢軍礮營及內外火器營官員。將收存礮位。並不加意看守。以致被賊偷竊者。專管官降三級調用。兼轄官降二級調用。營總降一級調用。翼長降一級留任。該管大臣罰俸一年。○又奏定凡官員製造緊急軍器。不依限速完遲誤者。革職。督製官降三級調用。將軍都統副都統降三級留任。若修製尋常操

演及換防需用各軍械。如有貽誤承修承製官。逾限不及一月者。免其議處。一月以上者。罰俸六月。兩月以上者。罰俸一年。三月以上者。罰俸二年。四月以上者。降一級調用。督修督製之員。違限一月以上者。罰俸三月。兩月以上者。罰俸六月。三月以上者。罰俸一年。四月以上者。罰俸二年。五月以上者。降一級留任。將軍都統副都統。違限一月以上者。免議。兩月以上者。罰俸三月。三月以上者。罰俸六月。四月以上者。罰俸九月。五月以上者。罰俸一年。如承修承製之員。將

應領之帑。請領遲延者。按其違限月日。照修製逾限例。分別議處。儻該上司故意勒指。以致遲誤者。將該上司降二級調用。承修承製官免議。○咸豐八年題准。旗營庫存鉛丸等物。儻不加意看守。以致被賊偷竊者。直班之員降一級留任。兼轄官罰俸六月。統轄官罰俸三月。○同治十一年

諭。內務府奏。端門樓庫存軍械。查有失竊情事。請旨辦理一摺。端門樓存儲軍器。向係五旗護軍營直班官兵等輪流看守。本年十一月間。經直年司員查得庫

存腰刀失去九十三把。撒袋失去八分。本月十二日。該司員等前往該處查驗箭枝。復見庫房東次間。有撬開窗隔等處情形。是該官兵等視典守為具文。任意懈弛。實堪痛恨。且禁門重地。斷非外來竊賊所能溷迹。更難保無監守自盜情事。著前鋒統領護軍統領查明此次撬門失於看守之直班官兵等。送交刑部嚴行審辦。該管前鋒統領護軍統領失於覺察。交部議處。嗣後應如何嚴密巡查看守之處。即著前鋒統領護軍統領妥議章程。奏明辦理。

約束。○原定旗人私往各處藉端挾詐。屬託營

私擾累平民者。係官革職。交刑部治罪。佐領驍騎校。知而令去者。降一級調用。失察者。佐領罰俸三月。驍騎校罰俸六月。領催鞭八十。若奴僕以事差遣。有犯此等者。其主知情故縱。係官革職。常人鞭一百。奴僕交刑部治罪。至旗人私往各處取債探親者。係官革職。常人鞭一百。佐領驍騎校。如有令去者。罰俸一年。失察者。佐領罰俸一月。驍騎校罰俸三月。領催鞭五十。差遣奴僕前往取債探親者。家主係官罰俸一年。常人鞭八十。奴僕亦鞭八十。其屯莊居住之人。並奴



僕私自出境。亦犯此等者。屯領催。照在京領催例鞭責。該佐領驍騎校在京領催。及奴僕之主。皆免議。○又定八旗莊頭家人。在外倚勢害民。霸占平人子女。威逼人命。把持衙門。此等事發。係內務府所轄。將該管官降一級留任。係王公府屬所轄。將辦理家務官降一級留任。係民公以下大小官員家人。將其主降一級留任。○乾隆二十四年奏准。八旗佐領下。如有不肖匪類。飲酒賭博生事。引誘旗人者。該管佐領。即行呈報都統等送部。發往黑龍江三姓地方折挫當。

差。如不悛改。該將軍報部。即發雲貴川廣等省。交地方官嚴加約束。仍有過犯。即照民人例治罪。該將軍於歲底。將有無改發之處彙奏。儻失於覺察。該管參領佐領驍騎校領催族長等。俱交部察議。至旗下游蕩幼子內。十五歲以上者。一體發遣。十五歲以下者。不必發遣。交與伊親族人等。加謹教育。二十六年奏准。官員兵丁人等。概不准居住城外。違者。官員交該衙門察議。兵丁責懲。該管大臣失於約束稽查者。一併交部察議。如係宗室。交宗人府嚴加議處。其管

理宗人府王公。交部照例察議。四十五年題  
准。賞給為奴人犯。在外行兇為匪等事。將不行  
約束之家主。罰俸一年。其失察之該管各官。俱  
按事理輕重。分別議處。○嘉慶六年

諭。各省及新疆遣犯。內發給兵丁為奴者。均係情罪甚  
重。特令其備嘗艱苦。俾知悔過自新。該管官於此等  
人犯。理應隨時嚴加鈐束。豈可令其充當長隨。出入  
衙門。滋生事端。著通諭各將軍副都統及新疆大臣  
等。嗣後情罪重大。發遣給兵丁為奴之犯。毋許夤緣  
服侍官長。致啟干預公事之漸。儻陽奉陰違。一經察

出。定將容留服侍之員。及失察之該管大臣等。一併交部議處。○又奏准。旗人私自出境。籍端挾詐營私。擾害者。佐領驍騎校知而不禁。降二級調用。參領副參領不能查出者。罰俸一年。失察者佐領驍騎校罰俸一年。領催照例鞭責。參領副參領罰俸六月。如係閒散佐領驍騎校知而不禁。降一級調用。參領副參領不能查出者。罰俸九月。失察者。佐領驍騎校罰俸六月。領催鞭六十。參領副參領罰俸三月。至旗人私自出境。取債探親者。係官照例革職。兵丁革退。該佐領驍騎校。

知而不禁。降一級留任。參領副參領不能查出。罰俸六月。失察者。佐領驍騎校罰俸六月。領催鞭六十。參領副參領罰俸三月。如係閒散。佐領驍騎校。知而不禁。罰俸一年。參領副參領不能查出者。罰俸三月。失察者。佐領驍騎校罰俸三月。領催鞭五十。參領副參領罰俸一月。以上族長係官。照佐領例議處。無職人。照領催例鞭責。前鋒護軍步軍匠役人等。有犯此者。將前鋒校護軍校。步軍校。照佐領例議處。前鋒侍衛參領護軍參領。步軍協尉副尉。照驍騎校參領例議處。

處各省駐防官兵私自出境將專管官照在京  
佐領例議處兼管上司照在京參領例議處如  
佐領等官有犯其隨同辦事之防禦驍騎校等  
明知隱匿不行揭報者與專管官一律議處○  
又奏准賞給為奴人犯如有在外行兇為匪滋  
事將不行約束之伊主分別輕重辦理其失察  
各官皆免議○又奏准八旗佐領下如有不肖  
匪類飲酒賭博生事引誘旗人不行呈報都統  
等送部發遣者將失察之佐領驍騎校罰俸一  
年參領副參領罰俸六月族長係官照佐領驍

騎校一例議處。係平人與領催均鞭六十。○道光二年奏定。八旗莊頭家人。在外倚勢害民。霸占平人子女。威逼人命。把持衙門。此等事發。如知情隱諱。係內府包衣所轄。將該管官降二級調用。係王貝勒貝子公家人。將辦理家務官降二級調用。係民公以下大小官員家人。將各主降二級調用。若止於失察者。均降一級留任。○又奏定。八旗官員兵丁人等。概不許居住城外。違者。官員罰俸一年。兵丁鞭五十。失察之該管各官。俱罰俸九月。如係宗室。交宗人府嚴加議處。

處其管理宗人府王公。交吏部照例察議。九年奏定。旗員外任。如族親內有品行端方。諳練公事。情願令其隨任幫辦公務者。或有篤睦家族親黨。帶往令其讀書肄業者。大員准其咨報該本旗。餘則呈報上司。轉咨該本旗查取本人父兄情願。令其隨任甘結報部。發給路照前往。不願者聽。其非由本任職官呈請。而本人願往者。一概不准。如有呈請尊長隨任者。由該族長出具並無抑勒甘結。該佐領加結呈報本旗查覈屬實。准其隨任。該參領等如有故意挑剔藉



端勒指刁難等情。從重懲辦。如有私行潛往者。照例治罪。至到署後。如有不服管束。輕者報明將軍等咨遣回旗。重者照例懲辦。仍令該管官嚴加查察。如有不安本分滋事。本員失察者。照失察例議處。徇庇者。照徇庇例議處。其本員查出呈報者免議。○十二年奏定。旗人告假外出。及逃走在外。如有不安本分滋事者。即由各該地方官審理。如犯笞杖枷責罪名。與民人一體板責。毋庸知照京旗犯徒流軍遣及死罪。與民人一體辦理。將原領圖記執照。咨繳京旗銷檔。

若投往親族任所。倚恃尊長挾詐需索。准本官呈明上司究辦。輕則遞解回旗。重則照例懲辦。銷除旗檔。

馬政。○順治十二年議准。蒙古進貢馬駝之外。如有多帶。願於途閒賣者聽。若有通曉蒙古語之人。前往邊界與蒙古交結。並遠相迎接買其馬駝者。交刑部治罪。所買馬駝入官。守口官私放此等人出口者。革職。至蒙古到館之後未進貢之先。有入館私買貢馬駝者。係官降一級。罰俸一年。常人鞭一百。如有搶奪偷盜者。無論

官民皆交刑部治罪。○康熙十一年題准駐防官不呈明該將軍報部。私差家人來京買馬者。罰俸一年。○十二年議准在京旗人私往外省販馬。係正戶。將該佐領。驍騎校。罰俸一年。領催鞭五十。係僕人。伊主有官者。罰俸一年。常人鞭一百。該管佐領等免議。於馬販名下追銀十兩。給挈首之人。仍交部治罪。○二十六年議准八旗出廠馬駝。沿途不加管束。踐食田禾者。兵鞭八十。專管官罰俸九月。兼管官罰俸六月。副都統罰俸三月。領催鞭六十。出口並不在廠牧放。

至有縱逸侵擾者。兵鞭一百。專管官罰俸一年。  
兼管官罰俸九月。副都統罰俸六月。領催鞭八  
十。照馬駝侵擾之數賠償地主。至兵丁強令他  
人代為牧放。及勒索酒食擾累生事者。交刑部  
治罪。專管官降一級調用。兼管官罰俸一年。副  
都統罰俸九月。領催鞭一百。革退。○三十一年  
覆准。八旗官兵屯莊牧養之馬被偷。失主即行  
報該營汛官弁。帶領兵丁追緝。到交界地方。交  
與鄰近營汛官弁接遞追緝。獲賊官每案紀錄  
一次。若失主呈報。該營汛員弁不即領兵追緝。

鄰境不即接遞追緝者。每案降一級罰俸一年。  
○四十二年奏准。八旗官兵因公事領騎官馬。  
給馬旗分該佐領別作記號印烙。於回京交還  
時。照原印烙記號驗收。若領騎之官兵欲將好  
馬留用。詐稱倒斃遺失。賠補後。其原印烙記號  
之馬。經本人認出。將領騎官兵照偷馬例治罪。  
○又奏准。八旗官兵因公事領騎官馬。宜令加  
意照看。不許倒斃遺失。嗣後領騎各該處。先將  
官兵及佐領姓名。並應領馬數。造冊送部。由部  
照冊編立印單。註明給馬旗分。領馬時各該處

出具印領。交該管官赴部親投。由部查對相符。給予印單。照數領騎。回京時。領馬官兵。將馬交還原給旗分。如有未交還者。該旗將領馬官兵及佐領姓名。開明咨部。由部行文各該處。限兩月交還。若馬有倒斃遺失。逾兩月之限。尚未賠補。由部叅奏。將倒斃遺失馬匹之人。係官罰俸一年。兵鞭八十。不催追之都統等及該管各官。罰俸六月。領催鞭五十。仍著本人賠補。儻再逾兩月。仍不賠補。將倒斃遺失之人。係官降三級留任。完日開復。兵鞭一百。都統及該管各官。罰

俸一年。領催鞭八十。仍著本人賠補。其因公事  
領用官駝者。亦照此例行。○雍正三年議准。八  
旗馬駝前往牧廠。該參領官員及驍騎校等。果  
加意牧放。無有損傷。令出牧之副都統點驗。如  
一參領下馬駝較勝別參領者。將該參領下各  
官及驍騎校各紀錄一次。如一旗馬駝肥壯無  
有損傷。該參領紀錄二次。各官及驍騎校各紀  
錄一次。○又奏准。八旗出廠馬駝。所有在廠各  
官。遇切近喪事。該副都統即令回京。有患病者。  
副都統驗實。亦令回京。均移咨該旗補人前往。

至於婚嫁之事告假者准給一月之限。行咨該旗於事竣催令前往。若馬駝於一月二十日之間將次進口。其回京之人均不必赴廠。若告假各官逾限不赴廠者。罰俸一年。副都統不查明給假者。罰俸六月。○又奏准。八旗各官奉委出廠牧放馬匹。若逗遛觀望不即前往。及到廠潛回者。皆革職。○又奏准。八旗兵丁所養馬駝。如有疲瘦不堪用者。鞭五十。該佐領。驍騎校。罰俸三月。參領。副參領。罰俸一月。若並不餽養。冒領錢糧者。鞭一百。革退。冒領錢糧追繳。該佐領。驍



騎校罰俸一年。參領副參領罰俸六月。○十年題准。八旗官駝有私賣與人者。係官革職。係兵鞭一百。革退。該管官不能查出。罰俸六月。該管都統等罰俸三月。○十三年議准。八旗馬駝於出廠之時。各造具毛齒清冊。送部存案。俟回京日按冊點驗印烙。統轄副都統以該翼之馬駝覈算。兼管官以兼管之馬駝覈算。專管官以專管之馬駝覈算。如十分之內疲瘦各不及三分者。免議。若疲瘦至三分者。罰俸九月。四分以上者。罰俸一年。五分以上者。降一級留任。六分以

上者。降二級留任。七分以上者。降三級調用。以上疲瘦分數。均就副都統兼管官。專管官各名下。詳細分別。不准將在廠馬駝通融攤算。如官兵希免議處。將馬駝彼此頂換。使疲瘦皆不至三分者。降三級調用。兼管官降一級留任。副都統罰俸一年。○又覆准。八旗馬駝每年出廠牧放。其佐領下留京之馬。原備緊要差遣。必待本部印文。方准撥用。若官員以私事乘騎馱載者。罰俸九月。○乾隆二十五年奏准。烏魯木齊設馬廠一處。以騾馬三百八十二匹。兒馬四十八

匹。駒二百四十匹。分為二羣。每羣派千把一員。為牧長。外委一員為牧副。兵十五名為牧人。三年均齊一次。每馬三匹。取孳生馬一匹。其有多餘缺額者。照例賞罰。又撥給額魯特兒騾馬二百二十三匹。駒七十四匹。派護軍校等為牧長。牧副。額魯特兵十五名為牧人。均齊賞罰。均照綠營之例。二十六年奏准。伊犁有牧放備用駝。及由烏里雅蘇台解到駝內。挑出牝壯駝一千五百一十隻。交額魯特牧放孳生。五年均齊一次。如有倒斃。將所生之駝抵補。其餘算入孳

生。每駝一百隻。取孳生駝四十隻。其額外孳生。或孳生不及額。一隻以上。十一隻以上。二十一隻以上。定為三等賞罰。總管承辦之額魯特翼長。照綠營承辦守備之例。佐領照牧長千把之例。驍騎校委署官照牧副外委之例。牧放額魯特人等。照兵丁之例。一體賞罰。其額魯特官員。應列一二三等賞者。不必加級紀錄。均折賞緞布。○嘉慶十三年奉

旨。本年派出牧廠之副都統巴齡阿。護送應交二道河左右兩翼馬三千九百八十八匹。據欽派監牧之丹

巴多爾濟等查驗牧放馬匹內倒斃之數比去年較少。抑且臚分尚好。請將左右兩翼牧放馬之副都統總管侍衛及承領牧放此項馬匹之官員等照例交部議敘。兵丁等賞給一月錢糧等語。已降諭旨依議行矣。著將此交原派在京監收馬匹之明亮英和廣興等。俟副都統王集將出青應交八旗圈馬二千四百匹護送到京時。明亮等查驗。如果牧放之馬臚分肥壯。亦著照此奏請將官員交部議敘。兵丁等賞給一月錢糧。僕馬匹臚分疲瘦多有殘疾者。即據實叅奏。將官員兵丁等照例分別治罪。著為例。○道光二

年奏定。塔爾巴哈台牧廠馬匹牲畜。每年查驗。若臆分在三分以上。倒斃不逾定額者。由該處辦事大臣奏明。將領隊大臣。總管副總管牧廠佐領。俱紀錄二次。兵丁記名。遇揀選處列名。如倒斃雖未逾額。而臆分在三分以下者。毋庸議敘。僅臆分平常。倒斃過多者。將領隊大臣。總管副總管牧廠佐領。一併參奏議處。仍將倒斃過多之牲畜。著落賠補。兵丁重責。○又奏定。伊犁等處。派員解送烏魯木齊等處馬牛。妥協解送之員。准其加一級。○又奏定。官員解送官馬官

駝有走失者。罰俸一月。領催鞭三十。兵丁鞭五十。走失馬駝。著落官賠一半。兵丁分賠一半。若於看守處走失者。將看守官兵亦照此例處分。○咸豐八年議准。察哈爾等處牧廠。凡遇奉調送京馬匹。如該總管未能迅速挑選。依限齊集。降二級留任。查催不力之員。降一級留任。○同治元年

諭。兵部奏請整頓馬政。以利軍需等語。軍營馬隊。最為得力。然必須臚壯精良。方能制勝。近來馬政廢弛。積弊日深。以致調赴軍營馬匹。時多疲瘦。若不認真整

頓何以蒐軍實而挽頽風。著照該部所擬。責成各牧廠大臣等官。妥為照料。年終將實在情形。據實具奏。如調用時或憊疲不堪。將原奏大臣嚴加議處。監牧等官從重治罪。至途中報倒。例有定數。沿途馬乾業已酌加。不得藉口例價不敷餽養。如有例外報倒者。照數追賠。數多者照例分別治罪。向來牧廠孳生限三年一均齊。自咸豐四年經太僕寺奏准展緩後。歷年各該廠僅於年終咨報兵部。並未照均齊例案分析載明。嗣後每屆年終。著將孳生數目咨報。並將厯屆均齊年分。由該都統接遞覈算。造具細冊報部。以



杜弊混。其京外各營各直省驛站額設馬匹。支應操  
差。及接遞公文。均關緊要。並著各該管大臣確切查  
覈。年終具奏。如查有缺額及疲乏等弊。即著從嚴叅  
辦。○四年

諭阿克敦布等奏訊明太僕寺牧羣固山達監守自盜  
牧長虧短官羣一指。此案烏勒哲依達賴除本管牧  
長虧羣扶同徇隱輕罪不議外。惟以管羣之員。膽敢  
抵換官馬十三匹。侵蝕官馬十八匹。實屬翫法營私。  
著照所擬即行革職。杖一百。流二千里。並永不敘用。  
以儆官邪。虧羣牧長除齊默特業經病故外。其黨蘇

倫札布十四員。均著革去頂戴。仍留牧長差使。並各加鞭責一百。牧副色克巴勒卓爾十五名。均著鞭責八十。所虧馬匹。責令照數賠補歸羣。委署固山達色德錫禮色丕勒等二員。均著暫行革去頂戴。失察之翼長門都巴雅爾。著降一級留任。原告拉普坦假公濟私。殊屬不合。著交部察議。總管拉什於牧長虧羣毫無覺察。迨經拉普坦具控。又復徇庇。並不即時究辦。著交部嚴加議處。至官拴馬一項。係各牧羣巧立名目。私將官馬自行乘騎。積弊相沿。殊屬不成事體。著察哈爾都統等。通飭各牧羣總管等。嗣後將官馬

名目永遠革除。儻敢陽奉陰違。仍藉名私乘官馬。一經查出。即行從嚴叅辦。○光緒五年覆准。烏里雅蘇台所屬官廠備差馬匹。不敷應用。就近由孳生廠內提用三百匹。嗣後如備差馬匹不敷應用。即就近由孳生廠內提取。

巡洋。○康熙五十三年議准。

盛京海洋。以佐領防禦驍騎校為分巡。協領為總巡。如有行船被盜。由該將軍題叅。將分巡總巡各官。照江浙閩廣之例議處。○乾隆二十九年奏准。

盛京所屬洋面並內外海洋事主貨船。如有同日在一處連次被劫二三隻者。無論是否一案盜夥。三月限滿不獲。將分巡委巡專汛兼轄並協巡佐領防禦驍騎校等官。降二級調用。統巡統轄總巡並總巡協領等官。降二級留任。若巡哨各官。能於限內將一案盜夥全獲者。免其議處。不准議敘。能獲盜過半兼獲盜首者。分巡協巡等官。降二級留任。統巡總巡各官。降一級留任。逸犯照案緝拏。○嘉慶三年奏准。

盛京地方海洋失事。疏防限滿。該將軍題參。將協

巡官住俸。限一年緝賊。二叅限滿不獲。協巡官降一級留任。再限一年緝賊。三叅限滿不獲。協巡官降一級仍留任。再限一年緝賊。四叅限滿不獲。降一級調用。總巡官初叅罰俸一年。限一年緝賊。二叅降一級留任。罰俸一年。賊犯照案緝拏。○六年定。官員在洋因擒拏盜匪被害。該管巡哨各官。捏報遭風淹斃。或本係遭風淹斃。捏報被賊戕害者。俱革職。將軍等不行查明。率行題報。俱降二級調用。○道光二年奏定。駐防水師署任人員。輪派出洋巡哨。遇有失事。如在

疏防限內撤巡。並卸委署之任者。照離任官例議結。如已經撤巡。而署任尚未交卸者。仍照承緝官例議處。○又奏定。江甯將軍京口副都統。每月派協領等官二員。駕船二隻。每船帶旗兵二十名。江甯官兵東巡至京口。京口官兵東巡至狼山。西巡至江甯。將所到日期。報明該將軍。副都統總督巡撫提督總兵。互相查考。儻有不按期接界巡查。該將軍等查出題參。將派巡之員。降一級調用。失察之將軍等。罰俸六月。○又奏定。海洋接緝盜案之員。如係兩月三月一輪

巡哨者。俱俟該員二次輪巡。仍不獲賊。該將軍等將職名咨參。將該員罰俸三月。如係四月換巡者。二次輪巡不獲賊。罰俸六月。在洋巡緝半年者。同哨無獲。罰俸六月。一年在洋偵捕者。限滿不獲。罰俸一年。賊犯俱照案緝拏。如接緝限內。但能獲賊。雖不及半。均免其議處。若能拏獲過半者。紀錄二次。全獲者紀錄三次。若賊夥止二三名。接緝官於限內拏獲一半。兼獲盜首。及接緝過半者。於免議之外。仍紀錄二次。其拏獲一半。盜首未獲者。止免其議處。毋庸議敘。○又

奏定。

盛京沿海地方。遇有失事之案。如盜從外洋竊發。原非守口官所能越汎稽察。咎在出洋巡哨之員。將守口官免議。若盜由海口以內奪坐船隻。出洋為盜。將失察之守口官。降二級調用。若守口官自行拏獲者。免議。至外洋行劫之盜。散黨登岸。混冒入口。守口官失於覺察者。降一級留任。限一年緝拏。全獲開復。限滿不獲。降一級調用。如於限內盜犯被鄰境拏獲者。減為降一級留任。○四年奏定。金州之鐵山至菊花島等處。



盛京所屬海汎。令水師營官兵巡查。至鐵山與山東隍城島中間相隔一百八十餘里。並無泊船之所。自鐵山起九十里之內。令

盛京官兵巡哨。隍城島起九十里之內。令山東官兵巡哨。如遇失事。量其境界相近。詳查議處。